



Broj: 02-04-2351/23
Datum: 06.09.2023.

Bisenija Mušedinović
vijećnica u Općinskom vijeću
Velika Kladuša

Predmet: Dopis; dostavlja se

Poštovana,

Nastavno na informaciju da ste za dan petak, 08.09.2023. godine zakazali sjednicu Kolegija Općinskog vijeća, napominjimo da nemate pravo sazivati i zakazivati sjednice Kolegija niti Općinskog vijeća jer formalno-pravno niste potvrđeni za Predsjedavajuću Općinskog vijeća (Dokaz: Zaključak objavljen u Službenom glasniku Općine Velika Kladuša, broj 1/23).

Potvrđena optužnica protiv Općinskog načelnika za zloupotrebu položaja ili ovlaštenja ne znači da su Vaše aktivnosti koje ste provodili u proteklom periodu, kao ni pribavljeni novi pečat kojim neovlašteno rukujete, u skladu sa pozitivnim zakonskim propisima.

Sve dosadašnje radnje Tužilaštva i ostalih institucija na nivou kantona dokaz su da su pravosudne institucije instrumenti u službi politike, te da u konkretnom, isti služe da bi Vama i vijećnicima koji Vas podržavaju omogućili da na nezakonit način preuzmete ovlaštenja Načelnika i Općinskog vijeća.


Naime, prekidom istrage protiv zamjenice Predsjedavajućeg OV-a i državnog službenika pri Stručnoj službi Vijeća za krivotvorenje isprava, Tužilaštvo USK potvrdilo je da ne postoje elementi krivičnog djela krivotvorenja čime su zapravo potvrdili ispravnost i validnost zaključaka koji su doneseni od strane zamjenice Predsjedavajućeg OV-a, a objavljeni u Službenom glasniku Općine Velika Kladuša, broj 1/23.

Apsurdno je da Tužilaštvo u momentu kada nije moglo naći elemente krivičnog djela za krivotvorenje isprava, priču usmjerava u sasvim drugi krivični postupak protiv Općinskog načelnika za otuđenje pečata, čime pokušava opravdati sve zloupotrebe od strane nadležnih institucija koji su uključeni u trenutnu situaciju.

Također, skrećemo pažnju na to da Tužilaštvo nije organ koji donosi odluke već nadležni Sud, te da je isto samo stranka u pokrenutim krivičnim postupcima, te da njihove opširne analize o radu Vijeća i Općinskog načelnika nemaju nikakvu obavezujuću pravnu snagu. Tužilaštvo niti službenici MUP-a nemaju pravo miješati se u rad Organa uprave niti upadati u prostorije Organa uprave bez posebnog naloga, a naročito, Tužilaštvo ne smije i ne može se stavljati u ulogu zakonskog zastupnika određenog broja vijećnika, čime direktno favoriziraju određenu političku grupaciju i narušavaju dignitet institucija pravosuđa.

Obzirom da Vijeće ne funkcioniše već duži vremenski period, a direktne posljedice nerada i blokade trpe građani općine Velika Kladuša, krajnje je vrijeme da svi vijećnici koji čine Općinsko vijeće razmisle o svojim postupcima i dužnostima koje proizilaze iz njihovih mandata, te u skladu s tim pronađu način zajedničkog djelovanja.

OPĆINSKI NAČELNIK
Dipl.ing. Fikret Abdić



Dostaviti:

- ⊖ Naslovu
- Policijska stanica Velika Kladuša, na znanje
- Tužilaštvo USK, na znanje
- U spis